


1. 上課ê方式

- a. 紹介文章, 選讀文章。
- b. 解說語詞。
- c. 討論。

2. 府城教會報ê歷史

- a. 1885年發行。
- b. 有改名kúi-nā pái :
 - i. Tâi-oân hú-siâⁿ kàu-hōe-pò
 - ii. Tâi-lâm hú-siâⁿ kàu-hōe-pò
 - iii. Tâi-oân kàu-hōe-pò
 - iv. Tâi-oân kàu-hōe kong-pò
- c. 1885 - 1969 chit段時間, kui份報紙lóng是使用白話字。
- d.



Tâi-oân hú-siâⁿ kàu-hōe-pò
Tē it tiuⁿ
Kong-sū XI nî, 6--goéh

Tâi-oân hú-siâⁿ ê Kàu-su mng̃ Kàu-hōe
lâi ê hiaⁿ-tī chí-moāi pêng-an : Goān
Siōng-tè siúⁿ-sù lín tak-ke tōa in-tián.

Goán kòe-lâi chit-pêng sī in-ūi ài thoân
Thian-kok ê tō-lī, hō lāng bat siōng-tè lâi
tit-tioh kiù. Só thoân ê tō-lí lóng sī
Sèng-chheh só kà-sī--ê, nā m-sī
sèng-chheh ê tō-lí goán m-káⁿ kóng. Só -í
goán táuh-táuh khó -khng̃ lín tioh
thak-chheh lâi khòaⁿ Sèng-keng, ñg-bāng
lín ná-kú ná-bat Siōng-tè ê tō-lí ; iā
m-bián tek-khak óa-khò Bók-su ā-sī
Thâon-tō-lí ê lāng lâi kóng tō-lí hō lín
thiaⁿ ; in-ūi lín pún-sin khòaⁿ Sèng-chheh,
siū Sèng-sîn ê kám-hòa, sui-jiân bô lāng
lâi kà-sī, lín iáu-koh ē chai Siōng-tè ê
chí-ì.

台灣府城教會報
第一張
光緒XI年, 6月

台灣府城ê教師問教會內ê兄弟姊妹平安：願上帝賞賜lín逐家大恩典。

Goán過來chit-pêng是因為ài傳天國ê道理, hō 人bat上帝來得著救。所傳ê道理lóng是聖冊所教示--ê。Nā m是聖冊ê道理goán m敢講。所以goán táuh-táuh苦勸lín著讀冊來看聖經,向望lín ná久ná-bat上帝ê道理；也m免的確倚靠牧師抑是傳道理ê人來講道理hō lín聽；因為lín本身看聖冊,受聖神ê感化,雖然無人來教示, lín iáu-koh ē 知上帝ê旨意。

3. 府城教會報ê重要性

- a. 台灣第一份ê報紙。
- b. 因為beh印chit份報紙, 引進台灣第一台印刷機。
- c. Chhui (推) sak大眾ê bat字教育。
- d. 是要緊ê文獻。
 - i. 記錄教會歷史。
 - ii. 記錄台灣歷史。
 - iii. 記錄台灣風俗。
- e. 紹介世界新聞, mā紹介tng當時先進ê科學, 醫學, thiat (哲) 學hō 台灣社會。
- f. Hō 台語文學有發展ê工具。
 - i. Kā文學kap文字ê力量ù知識分子掌握ê古典漢文內底tháu-pàng出來hō 一般人。
 - ii. 白話字hō 台灣ê白話文學tī 19 世紀尾溜tō起鼓。